

Na osnovu Odluke o pokretanju postupka javne nabavke putem direktnog sporazuma broj: 01 - 291/18 od 13.03.2018. godine, a nakon provedenog postupka putem direktnog sporazuma, u skladu sa članom 87.stav (3) Zakona o javnim nabavkama ("Službeni glasnik BiH, br. 39/14), te u skladu sa članom 9. Pravilnika o postupku direktnog sporazuma Željezničkog školskog centra Sarajevo,

Željeznički školski centar Sarajevo sa sjedištem u Sarajevu ul. Ložionička br.8, koga zastupa direktor Ibro Čebirić, dipl.saobr.ing. (u daljem tekstu; Kupac), poreski identifikacioni broj 4200228680005

i
"AS PRINT graphic desing" sa sjedištem u Sarajevu ul. Hifzi Bjelavca br.5, koga zastupa Čelik Samir (u daljem tekstu: Prodavac), poreski identifikacioni broj 4301401090007,

Dana 03.04.2018. godine zaključuju slijedeći

U G O V O R

PREDMET UGOVORA

Član 1.

Ugovorne strane konstatuju:

1. da je Kupac sproveo postupak nabavke i isporuke roba – materijal i usluge za prezentaciju Centra (promotivni materijal) putem direktnog sporazuma,
2. da je Prodavac dostavio ponudu koja se nalazi u materijalu JNDS,
3. da ponuda u potpunosti odgovara specifikacijama iz oglasne dokumentacije.

Član 2.

Predmet ovog Ugovora je kupoprodaja i isporuka materijal i usluge za prezentaciju Centra (promotivni materijal), određena u specifikaciji ponude Prodavca, prema Odluci o nabavci putem direktnog sporazuma Kupca broj: 01 - 361/18 od 30.03.2018. godine.

CIJENA

Član 3.

- (1) Ugovorna cijena iznosi ukupno 1.815,00 KM (slovima: jednuhiljaduosamstotinaipetnaest KM i 00/100) bez poreza na dodatnu vrijednost, odnosno 2.123,55 KM (slovima: dvijehiljadejednostotinuidvadesettriKM i 55/100)sa PDV-om.
- (2) Cijene su fiksne i nepromjenljive.
- (3) Fakturisanje robe se vrši po važećem cjenovniku Prodavca iskazanom u ponudi broj 026/2018 od 29.03.2018. godine i u ugovorenom roku na osnovu otpremnih dokumenata (otpremnica i sl.) potvrđenih od strane Prodavca da je preuzeo robu, te izdao i predao fakture i to na dan preuzimanja robe.

ROK ISPORUKE

Član 4.

- (1) Prodavac se obavezuje da isporuči robu iz člana 2. ovog ugovora u svemu pod uslovima iz oglasne dokumentacije i prihvaćene ponude
- (2) Prodavac je dužan da Kupcu isporuči robu po prijemu narudžbe.
- (3) Mjesto isporuke je u Sarajevu u ulici Ložionička broj 8.

KVANTITATIVNI I KVALITATIVNI PRIJEM I REKLAMACIJA

Član 5.

- (1) Kvantitativni prijem robe Kupac vrši prilikom preuzimanja iste, u svom skladištu.
- (2) Reklamaciju na vrstu robe, Kupac će dostaviti u obliku komisijiskog zapisnika o prijemu robe u roku od 5 (pet dana), od dana prijema robe.

- (3) Prodavac je dužan da po prijemu zapisnika neodgovarajućih roba, iste povuče od Kupca.
- (4) Reklamaciju na kvalitet Kupac će dostaviti u roku od 5 (pet dana) od saznanja da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.
- (5) Ako se zapisnički utvrdi da roba koju je Prodavac isporučio ima nedostatke u kvalitetu i očiglednih grešaka, Prodavac mora iste otkloniti najkasnije u roku od 15 dana od dana sačinjavanja zapisnika o reklamaciji, a ukoliko to ne učini ili ako se ista ili slična greška ponovi tri puta, Prodavac mora robu zamijeniti novom, koja ima jednake ili bolje karakteristike.
- (6) Garantni rok je rok prihvaćen u ponudi Prodavca i počinje da teče od dana kada je zapisnički konstatovano preuzimanje robe.

NAČIN PLAĆANJA

Član 6.

- (1) Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i kupca.
- (2) Kupac će plaćati fakturu za isporučenu robu propisanim platnim nalogom za plaćanje u roku od 60 dana od datuma dospjeća fakture putem JRT Kantona Sarajevo.

SPOROVI

Član 7.

- (1) Sve eventualne sporove koji nastanu iz, ili povodom ovog ugovora – ugovorne strane će pokušati da riješe sporazumno.
- (2) Ukoliko sporovi između Kupca i Prodavca ne budu riješeni sporazumno, ugovara se nadležnost stvarno nadležnog suda u Sarajevu.

OTKAZ UGOVORA

Član 8.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 9.

Na ostala prava i obaveze ugovornih strana, koje nisu regulisana ovim Ugovorom, primjenivaće se odredbe Zakona o obligacionim odnosima.

ZAKLJUČENJE UGOVORA

Član 10.

- (1) Ovaj Ugovor zaključuje na određeno vrijeme do 30.04.2018. godine.
- (2) Ovaj Ugovor stupa na snagu danom njegovog potpisivanja i ovjerom od strane ovlaštenih predstavnika ugovornih strana.

ZAVRŠNE ODREDBE

Član 11.

Ovaj ugovor je sačinjen u 4 (četiri) istovjetna primjerka, od kojih svaka strana za svoje potrebe zadržava po 2 (dva).

PRODAVAC

OBRTHNIČKA RADNJA
"SPRINT"

VI. Čelik Samir
Ul. Hrišćeva 5, Sarajevo

Broj: 10/18

